

# Oinsá atu kuda hare

Matadalan ba to'os-na'in sira



# Oinsá atu kuda hare

Matadalan ba to'os-na'in sira

---

Autór sira: Joanhinha Guterres no José Barros

Ilustratór: Gibrael Dias Soares Carocho

Editór no dezeňu gráfiku: Lewti Hunghanfoo

Kordinadór: Alfons Urlings

Públika iha fulan Juňu 2019.





## Kona-ba matadalan ida ne'e

Matadalan simples ida ne'e dezenvolve bazeia ba esperiénsia ne'ebé hetan liuhusi implementasaun iha kampu ho to'os-na'in sira. Ami espera katak liu husi matadalan ida ne'e bele ajuda to'os-na'in sira fasil atu kompriende rekomendasaun téknika ne'ebé iha hodi prodús sira nia hare.

# Prepara rai

---

Lere du'ut sira ne'ebé iha natar laran no fila  
hamutuk ho rai uza tratór ka karau.




Hatama bee no hoban durante semana 1 atu du'ut sira dodok no nakfila ba adubu.



# Prepara viveiru

---

Loron 8-10 molok kuda, halo viveiru biti ka bendeiza uza kompos ho rai, ho nia komparasaun 1:1 (kompos balde ida no rai balde ida).



Wainhira kari hotu fini, taka fali ho misturasaun kompos no rai (taka mihis de'it).



# Grade

---

Harahun rai kafuak ne'ebé mak iha natar laran to'o  
hamosu tahu nurak.




Bele aplika kedes kompos iha momentu grade.




# Hatetuk

---

Hatetuk rai atu distribuisaun nutrisaun no bee iha natar bele hanesan.



Uza ai kabelak hodi halo niveladu iha natar.



Uza ai *caplak* ne'ebé marka ona distánsia hodi dada liña.

# Kuda

---

Kuda hare oan idade nurak loron 8-14. Hasai husi viveirus labele fase nia abut no tenke kuda kedes labele rai liu minutu 15.



Kuda liña ho distânsia (20cm x 20cm, 25 x 25cm ka 30cm x 30cm) depende ba variedade.

Kuda hare oan hun ida iha kada rai kuak ho modelu L.

# Manutensaun

## Hamoos du'ut

Dahuluk: Loron 10 depois de kuda.

Daruak: Loron 20 depois de kuda.



Uza weeder/landak hodi hasai du'ut nomós bele halo rai mamar.

# Manutensaun

---

## Fertilizasaun

Uza kompos, adubu matak, materia orgániku atu hasa'e rai nia bokur.



Uza adubu kímiku tuir rekomendasaun téknika husi estensionista.

## Peste no moras

Karik mosu moras ka peste ruma, buti mate ka hasai  
tiha husi hare ne'e.



# Manutensaun

---

## Kontrola peste no moras

Karik ataka liu husi hun 10 bele prevene kedes ho pestisida orgániku.



Uza pestisida kímiku hanesan alternativu ikus liu no tuir rekomendasaun husi estensionista MAP nian.

# Jestaun bee

Hatama bee ho intervalu loron 10 ka iha momentu hamoos du'ut.



Bee labele nalihun iha natar laran, nia aas 2cm de'it ka iha tahu nurak de'it.

# Kolleita

---

Kolleita wainhira hare 95% nia kór kinur hotu ona.



Wainhira halo kolleita labele butuk iha kabubu leten,  
tenke kesi hamutuk no baku kedas ho makina.



# Pós-kolleita

---



Habai to'o maran wainhira tata koko tohar ba rua iha klaran signifika katak maran di'ak ona.



# Armazen

---

Haloot iha fatin ne'ebé maran, moos no seguru husi peste no moras (silo/bidon). Hatuur iha ai kabelak leten.



# Rotasaun

---

Wainhira halo kolleita hotu, presiza halo rotasaun ho ai-horis legumes sira atu hakotu siklu peste no moras no mós habokur rai.



Wainhira atu hahú halo fali preparasaun rai ba epoka tuir mai **labele sunu** ai-horis nia tahan no kain sira ne'ebé husik hela iha fatin ne'ebé atu kuda ba.



